



**Духовное завѣщаніе кievскаго митрополита Іова Борецкаго.**

*1631 г. марта 1.*

Во имя Отца и Сына и Святого Духа, Святыя Животворящия Троицы, единого истинного Бога нашего. Аминь.

Безначальный Единосущный Сынъ Слово Божие, Богъ и Отецъ Господа нашего Іисуса Христа, жродло премудрости и всея вселенныя, всехъ видимыхъ и не видимыхъ речей Творецъ, яко самъ рачилъ такъ то все предвидящимъ окомъ и найвышшею премудростию своею справилъ, же сотворивши челоуѣка на хвалу свою, конецъ живота ему смертию умерети ознаимилъ. Еднакъ же, яко Онъ самъ все вѣдаетъ, для чого часъ албо годину тое смерти толко въ своей вѣдомости заховатъ, а предъ челоуѣкомъ утаилъ; которого то часу албо годины смерти нашею поневажъ невѣдаемо, претожъ Спаситель нашъ Господь Іисусъ Христось, правдивый Сынъ Божій, рачилъ насъ упомнати, абысмо завше на каждый часъ молячись Богу, чуйными и на тую то смерть готовыми были, яко бысмы съ добрымъ сумненемъ предъ судомъ Божиимъ стати могли. За которымъ то таковымъ Сына Божня напоминанемъ, и я рабъ Божій, Іовъ Борецкій, Митрополитъ Киевскій Галицкій и всея Россіи, и игумень монастыра Михайловскаго церкви золотокрое надъ Киевомъ, ачъ болвекъ на сесь часъ хорій, але пятма смыслами телесными т.е. видениемъ, слышаніемъ, смакованемъ, повонянемъ и дотыканемъ, и трети силами души моею (то есть: разумомъ, памятию и волею) добре здоровый, въ которой то хоробе моею телесной, еднакъ яко певное речи сподѣваючись быти ближшимъ къ смерти, а нежели къ животу, прето еще за доброе памяти, цалого и зуполного разуму и досконалое вымовы, первой о души, а потомъ о маетностцы убогой, которую ми Господь Богъ за старанемъ моимъ далъ былъ, хотячи певное и неотмѣнное постановене учинити, тотъ ны-

нѣшній тестаментъ мой, порядкомъ ниже и идучимъ, таковымъ способомъ споражаю. А напродь визнаваю и презъ той нынѣшній тестаментъ Богу сотворителю моему и всѣмъ небеснымъ силамъ и каждому христіанскому человѣкови тутъ теперь и на суде Божомъ осведчаю, ижъ въ правдивой восточного послушенства вѣре, которую Спаситель нашъ Христось Господь поставовити рачиль, зъ добрымъ сумненемъ умерети и предъ судомъ Божиимъ стати хочу, единачну душу мою убогую въ руки милосердія Божого отдаю, маючи за полную а не омыльную вѣру въ Его Божскомъ милосердію и въ заслуге за насъ мукою Сына Его, ижъ Онъ не будетъ въ судъ зо мною входить, але мя зъ ласки своее до вѣчное хвалы рачить привяти: а тѣло мое грѣшное належащимъ христіанскимъ проводомъ (якъ Господь Богъ здарить) при церкви святаго Архистратига Михаила надъ Києвомъ, абы до того часу въ земли отпочивало, ажъ Господь Богъ съ ангелеми своими въ маестате и вшехмоцности своей на евералный судъ придетъ, Превелебнѣйшому въ Бозе Его милости господину отцу Петру Могиле, Воеводичу земель Молдавскихъ, милостию Божию великому Архимандриту святае Великое и Чудотворное Лаври Печерскія Киевскія, и велебному въ Бозе Его милости господину отцу Исаакию Борисковичу Епископу Луцкому и Острозскому, яко на тотъ часъ притомному, и всѣмъ о Христвѣ братіямъ капитуле монастыря Михайловского золотoverхое церкви ку погребению полежаю. И его милость господина отца Петра Могилу Архимандрита печарского, и его милость отца Исаакия епископа вышпомененого по Бозе першими опекунами такъ того святаго Монастыря Михайловского, яко и всѣхъ речей моихъ рухомыхъ учинивши, за наперший и церкви Божой и всему православному народови росіійскому потребнѣйший пунктъ въ томъ тестаменте остатное воли моее кладу, абы школы въ братстве киевскомъ для цвиченія дѣтокъ христіанскихъ, а не гдѣ индеѣ фундованы были подъ неблагословеніемъ приказую. Штосе засъ дотыче маестности



худобки зобрания моего, тую таковымъ способомъ споражаю и конечно мѣти такъ хочу. Книги крещкіе и латинскіе власныя мои, а не монастырскіе, розныхъ авторовъ превелебнѣйшому его милости господину отцу Архимандриту печарскому оферую и тымъ тестаментомъ, остатнею волею моею, въ мощь и завѣдоване полецаю. Книги зась словенскіе и полскіе при церкви святого Архистратига Михаила, где тѣло мое погребено будетъ, такъ же и всѣ отъ мала и до велика аппараты святителскіе быти и зоставати мають. Звонницу, которую мыслилемъ въ монастыри святого Архистратига Михаила муровати, если бы ми живота Господь продолжити рачиль, и южь и муляру Петру Нѣмцу, обывателю киевскому, на тую работу золотыхъ сто, маючи зъ милостыни, задалемъ былъ, которое и теперь при немъ зостаеть, другое и въ шкатуле моей могло бысь найти, а до того и на двохъ мемравехъ, то есть на пану Тимоѣею Александровичу Вербицкому типографу киевскомъ на мемране золотыхъ чотыреста, и на пану Іоанну Плетенецкому на мемране золотыхъ пятьдесятъ, и отъ християнъ обѣтницу мѣлемъ на вспомогане тоежь звонницы,—все то ижь смерть закročити ми хочеть, то на высоце уважный розсудокъ его милости господина отца Архимандрита (если можна тому дѣло досыть учинити) пуцаю. Роботу, которую килка лѣтъ скончати старалемсе, и не безъ кошту и накладу тое все робило и не докончило. ахимицкую, ижь многось на нее у брата пана Андрея Борецкаго забрано, оному ее пуцаю. Стороны сироты дочки моя Евпраксія и сестреницы Минодоры тыхъ въ опеку его милости отцу Архимандриту печарскому, яко великому добродѣви моему, полецаю,—которымъ келию мою новую въ монастыри женскомъ Михайловскомъ для богомыслности и уединеня зо всѣмъ на все даю и отказую. До того дворъ мой въ Києве мѣсте противъ пана Романа Чудновца, прозываемый Черкасчинский, который въ опецы и завѣдованю общежителного святого монастыра Межигорского (бо сума ихъ на немъ есть) быти маеть, до живота ихъ

то есть Евпраксії и Минодоры, если неотмѣненныя инокинями будутъ, на выхование даю; а по животъ ихъ тотъ домъ на монастырь Межигорскій отказую и отписую, и тымъ тестаментомъ остатнею волею моею легкую. Работу, которую мѣ змовилъ и постановилъ зъ Романомъ столяромъ, обывателемъ киевскимъ, столярскую до двухъ предѣловъ великое церкви святого Михаила, то есть до предѣла одного введения въ церковь пречистое Богородицы, а до другого предѣла святое великомученицы Варвары, имѣлемъ, ведлугъ постановеня и пнтерцызін нашее, грошей готовыхъ золотыхъ сто и десять дати, яко жъ отдадемъ ему грошій копъ тридцать пять, а девять копъ литовскихъ на тую работу zostalemъ ему виненъ, которые копъ девять, при отбиранию тое всее работы до помененыхъ предѣловъ, мають и повинни будутъ братія капитула монастыра Михайловского золототерхое церкви Роману столяру заплатити, а работу до рукъ своихъ отобрати, и пилное старане около нее приложити, яко бы совершенное уробленая и помалованая въ помененыхъ олтаряхъ zostавала, конечно приказую.— Притомъ тежъ штокождекъ слугамъ моимъ, за вѣрную послугу ихъ такъ здоровому, яко набарзей въ той тяжкой хоробе моей будучему, zostalemъ виненъ, ихъ милости господинъ отецъ Архимандритъ печарскій и господинъ отецъ Исаакій боголюбезвѣйшій епископъ Луцкій зъ тое жъ убогое маестности моее, абы на душу мою не плакали, заплатити мають, о што и прошу. А ижъ жадное большеи маестности своее и ничие иншое у себѣ не маю, теда тымъ тотъ testamentъ и остатнюю волю мою кончу и замыкаю, варуючи еднакъ, абы его никто ни въ чомъ не нарушалъ. а то подъ клятвою святыхъ отецъ триста и осмнадцати, иже въ Никей, и подъ помстою Бога всемогущого, который въ день судный воздасть каждому по дѣломъ его. До котораго testamentу и остатнее воли моее просилемъ о подписе рукъ и притиснене печатий въ Бозе превелебного его милость господина отца Исаакія Борисковича, епископа Лу-



цкаго и Острозского православного, и ихъ милостей господиновъ отцовъ и братій капитулы монастыря печарского киевского нижей менованныхъ, што ихъ милость на прозбу мою учинити руки свои подписати и печати приложить рачли. Писанъ въ монастыри Михайловскомъ дерквы золотоверхое, въ Києве мѣсяца марта 1-го дня 1631, року.

Внизу тестамента находится печать митрополичья (съ изображеніемъ Архистратига Михаила) и собственноручная подпись И. Борисковича: *Исаакій Борисковичъ, смиренный Епископъ православный, Блжститель митрополии Киевской рукою власною.*—Помѣщенный документъ впервые напечатанъ былъ въ 21 № *Кіев. Епарх. Вѣд.* за 1863 г., но не вполне исправно. Подлинникъ, съ котораго мы печатали тестаментъ, хранится въ церковно-арх. музеѣ при Кіев. дух. Акадemiи.

---

LXXII.

Письмо польскаго короля Сигизмунда III, въ которомъ онъ приказываетъ кіевскому воеводѣ Тышкевичу пропятствовать избранію на кіевскую митрополию случнаго протопopa А. Мужиловскаго и отобрать отъ православныхъ Кіево-Михайловскій златоверхій монастырь.

1631 г. іюня 23.

Wielmożny uprzejmy nam miły. Mamy tę wiadomość, iż Borecki pseudomitropolit Kijowski w tych dniach umarł, po którym niejaki Mużyłowski protopopa Słucki, żonę porzuciwszy, usiłuje być Metropolitą. A iż nam y Rzeczy Pospolitey wiele na tym należy, żeby człowiek iaki niesforny y buntownik na to miejsce przez kozaki wszadzony nie był, któryby ich potym buntował y przeciwko katolikom y unitom poduszczal, tedy zdało się nam o tym znieść z Uprz. Wasz. iako tam tego miejsca wojewodą, y który powagą, dzielnością y potęgą swoją wiele w tey mierze dobrego sprawić mozesz. Naprod tedy pilnie Uprz. Wasz. żadamy kozakow napominać,